

իւղ զուարթացուցիչ, երիւարս արագաքայլ,
և եղն արաւրաձիգ:

Իսկ անախտութեամբն և առողջութեամբն
վեհագոյն է. զոր կարծեմ վասն զանազան ծաղ-
կանցն, և զաւրաւոր արմատոցն լինել, և կամ
յաղագս աղենահոս առուոցն: Բանդի որ բը-
նակեալ են զափամբ նոցա՝ դեղ կենաց ասեն
ըմբողացն զնա ոչ գոլով ի նոսա մահ տարա-
ժամ. զի որ հարիւրամեան վախճանեսցի ըստ
բանին Նսայեա յորջորջեսցի: ¹ Սակս որո
մարդաշատեալ և բազմացեալ գեղք մեծա-
մեծք: Յորոց մի է և իմ պսակաւորիս երկը-
րորդ Բեղլահէմս. նա տուն հացի և սա հա-
ցիս, ի նմանէ Դաւիթ շառաւել Նսսեայ, և
ի սմանէ Մեսրոբ ծաղիկ ի Վարդանա. անտի
տեսանող և աստիանեսանող. ի նմա ծնունդ հացն
կենաց մահահալածն կերողաց, և ի սմա ծը-
նունդ՝ կերակրողն զբանն կենաց. նմա պատ-
ճառ անունադրութեան՝ ճաշակումն հացին
Խորայելի՝ յետ սգոյ կենացկողին, և սմա
բաղաւտ Նոյի նահապետին յետ հարուածոյ
համատարած հեղեղին: Թէև բաջաղի Ղում-
պիողորոս ի Տարբանա կոչիլ Տարաւն՝ Հացիք
և Յրաւք, ² բայց մեք ճշմարտութեանն հետե-

1. Տես. Նսայ. գլ. Կե. 20:

2. Խոր. գր. Ա. գլ. 2. «Ողմպիադորոս ասաց. իսկ